

თჰუ რექტორის 2017 წლის 18 იანვრის N10/01 ბრძანებით,

მოდირიცირებულია თჰუ რექტორის 2018 წლის 19 ივნისის N108/01 ბრძანებით

მოდირიცირებულია თჰუ აკადემიური საბჭოს 2022 წლის 18 იანვრის N01 გადაწყვეტილებით

მოდირიცირებულია თჰუ აკადემიური საბჭოს 2025 წლის 10 მარტის N03 გადაწყვეტილებით

საგანმანათლებლო პროგრამების კრედიტების გაანგარიშებისა და სტუდენტის სწავლის შედეგების მიღწევის შეფასების წესები

მუხლი 1. საგანმანათლებლო პროგრამების კრედიტების გაანგარიშების წესი

1. ევროპული კრედიტების ტრანსფერისა და დაგროვების სისტემის (ECTS) (შემდგომში – "საკრედიტო სისტემა") შესაბამისად, სტუდენტის სასწავლო დატვირთვა საგანმანათლებლო პროგრამით განსაზღვრული სწავლის შედეგების მისაღწევად განსაზღვრული დროა, რომელიც მოიცავს საკონტაქტო და დამოუკიდებელ საათებს და გაანგარიშდება კრედიტებში;

2. საკონტაქტო საათი საგანმანათლებლო პროგრამის კომპონენტის განმახორციელებელი აკადემიური პერსონალის ჩართულობით სტუდენტის სასწავლო საქმიანობისთვის განსაზღვრული დროა, დამოუკიდებელი საათი – საგანმანათლებლო პროგრამის კომპონენტის განმახორციელებელი აკადემიური პერსონალისაგან დამოუკიდებლად სტუდენტის სასწავლო საქმიანობის დრო. საგანმანათლებლო პროგრამის კომპონენტებია სასწავლო კომპონენტი და სამეცნიერო-კვლევითი/კვლევითი კომპონენტი, ხოლო სასწავლო კომპონენტი – საგანმანათლებლო პროგრამის შემადგენელი ნაწილი, რომელიც წარმოდგენილია სასწავლო კურსის/საგნის, პრაქტიკის, შემოქმედებითი/საშემსრულებლო პრაქტიკული სახის პროექტის/ნაშრომის, საბაკალავრო კვლევითი პროექტის/ნაშრომის ან სხვა კომპონენტის სახით;

3. კრედიტი გამოხატავს სტუდენტისათვის საჭირო სასწავლო დატვირთვას, ნაწილდება საგანმანათლებლო პროგრამით განსაზღვრულ საგანმანათლებლო პროგრამის კომპონენტ(ებ)ს შორის და მოიცავს კონკრეტული კომპონენტით მისაღწევი სწავლის შედეგებისთვის საჭირო საკონტაქტო და დამოუკიდებელ საათს; კრედიტების განაწილება საგანმანათლებლო პროგრამის კომპონენტ(ებ)ს შორის ეფუძნება საშუალო აკადემიური მიღწევების მქონე სტუდენტის დატვირთვის რეალურ შეფასებას, რომელიც საჭიროა ყოველი კომპონენტისათვის დადგენილი სწავლის შედეგის მისაღწევად. კრედიტების განაწილების სისწორე უნდა შემოწმდეს სტუდენტის რეალური დატვირთვის შესახებ სრული

ინფორმაციის შეგროვებითა და ანალიზით, რაშიც აკადემიურ პერსონალთან ერთად სტუდენტებიც მონაწილეობენ; კრედიტის გაანგარიშებისას დამატებითი გამოცდისთვის (მომზადება, ჩაბარება, შეფასება) განსაზღვრული დრო, აგრეთვე საგანმანათლებლო პროგრამის კომპონენტის განმახორციელებელ პირთან საკონსულტაციო დრო მხედველობაში არ მიიღება;

4. საგანმანათლებლო პროგრამის კომპონენტებია სასწავლო კომპონენტი და სამეცნიერო-კვლევითი კომპონენტი; სასწავლო კომპონენტი ერთ სემესტრიანია და წარმოდგენილია სასწავლო კურსის, მოდულის, პრაქტიკის, შემოქმედებითი/პრაქტიკული სახის პროექტის, საბაკალავრო კვლევითი პროექტის/ნაშრომის, სასწავლო/კლინიკური/საწარმოო (პროფესიული) პრაქტიკისან სხვა კომპონენტის სახით; სამეცნიერო-კვლევითი კომპონენტი სამაგისტრო საგანმანათლებლო პროგრამის შემადგენელი ერთ-ერთი ნაწილია და წარმოდგენილია სამაგისტრო პროექტის/ნაშრომის ან სხვა სამეცნიერო პროექტის/ნაშრომის/აქტივობის სახით;

5. ერთი და იგივე შინაარსის, მოცულობისა და სწავლის შედეგების მქონე სასწავლო კომპონენტი მოიცავს თანაბარი რაოდენობის კრედიტებს ყველა საგანმანათლებლო პროგრამის სტუდენტისათვის;

6. ერთი კრედიტი (ECTS) უტოლდება სტუდენტის სასწავლო დატვირთვას 25 საათის განმავლობაში და მოიცავს, როგორც საკონტაქტო, ასევე დამოუკიდებელ საათებს.“;

7. საგანმანათლებლო პროგრამის ან/და სტუდენტის ინდივიდუალური სასწავლო პროგრამის თავისებურებების გათვალისწინებით, სტუდენტის სასწავლო დატვირთვა ერთი აკადემიური (სასწავლო) წლის განმავლობაში, როგორც წესი, შეადგენდეს 60 (ECTS) კრედიტს, თუმცა შეიძლება იყოს 60 (ECTS) კრედიტზე ნაკლები, ან აღემატებოდეს 60 (ECTS) კრედიტს, მაგრამ არაუმეტეს ერთი აკადემიური (სასწავლო) წლის განმავლობაში - 75 (ECTS) კრედიტისა;

8. ერთი აკადემიური (სასწავლო) წელი შეადგენს საშემოდგომო (პირველი) და საგაზაფხულო (მეორე) სასწავლო სემესტრებისა და არდადეგების (დასვენების) პერიოდს, რაც არ აღემატება 12 უწყვეტ კალენდარულ თვეს;

9. სასწავლო სემესტრის ხანგრძლივობაა 20 სასწავლო კვირა, რომელიც მოიცავს სასწავლო კვირათა ერთობლიობას, დამატებითი გამოცდის/გამოცდების ჩატარებისა და დამატებით გამოცდაზე/გამოცდებზე სტუდენტის მიღწევის შეფასების პერიოდს;

10. სასწავლო კვირა არის ასტრონომიული კვირა, რომელზეც ნაწილდება სტუდენტის დამოუკიდებელი და საკონტაქტო დატვირთვა.

11. კრედიტის მოპოვება შესაძლებელია მხოლოდ სტუდენტის მიერ სილაბუსით დაგეგმილი სწავლის შედეგების მიღწევის შემდეგ, რაც დასტურდება ამ წესებით

გათვალისწინებული ერთ-ერთი დადებითი შეფასების მიღებით; დაუშვებელია სტუდენტის მიერ მიღწეული სწავლის შედეგების ერთჯერადად - მხოლოდ დასკვნითი გამოცდის საფუძველზე შეფასება, გარდა საქართველოს კანონმდებლობითა და ამ წესებით გათვალისწინებული გამონაკლისი შემთხვევებისა.

მუხლი 2. სტუდენტის სწავლის შედეგების მიღწევის შეფასების წესი

1. სტუდენტის სწავლის შედეგების მიღწევის შეფასება, როგორც წესი სავალდებულო წესით მოიცავს შემდეგ ფორმებს:

ა) შუალედურ შეფასებას/შეფასებებს;

ბ) დასკვნით შეფასებას;

2. ამ მუხლის პირველი პუნქტით განსაზღვრული წესი არ მოქმედებს სამაგისტრო პროექტის/ნაშრომის შეფასების შემთხვევაში; სამაგისტრო პროექტი/ნაშრომი ფასდება ერთჯერადად (მხოლოდ დასკვნითი შეფასებით), შეფასების რელევანტური მეთოდებისა და კრიტერიუმების გამოყენებით;

3. შეფასების თითოეული ფორმა მოიცავს შეფასების კომპონენტ(ებ)ს, მეთოდ(ებ)სა და კრიტერიუმ(ებ)ს, რაც ადეკვატური უნდა იყოს საგანმანათლებლო პროგრამის კომპონენტით განსაზღვრული და მისაღწევი სწავლის შედეგების შეფასებისთვის; შუალედური და დასკვნითი შეფასებების ჯამი წარმოადგენს საბოლოო შეფასებას;

4. საგანმანათლებლო პროგრამის კომპონენტების სწავლის შედეგების მიღწევის შეფასება უნდა დასრულდეს იმავე სემესტრში, რომელშიც იგი ხორციელდებოდა.

5. შეფასების საერთო ქულაა - 100; შეფასების საერთო ქულიდან (100 ქულა) შუალედური შეფასებ(ებ)ის ხვედრითი წილი შეადგენს ჯამურად არანაკლებ 60 ქულას (60%), ხოლო დასკვნითი შეფასების ხვედრითი წილია - არაუმეტეს 40 ქულა (40%);

6. საბაკალავრო პროგრამებზე დასკვნითი შეფასების კომპეტენციის მინიმალური ზღვარია დასკვნითი შეფასების ხვედრითი წილის ნახევარზე მეტი (50%+1); ხოლო სტომატოლოგიის პროგრამებზე შეფასების ხვედრითი წილის ნახევარი (50%) ;

7. უნივერსიტეტის მიერ რეალიზებულ საგანმანათლებლო პროგრამებისთვის გამოიყენება შეფასების ერთიანი სისტემა, რომელიც უშვებს:

ა) ხუთი სახის დადებით შეფასებას:

ა.ა) (A) ფრიადი-შეფასების 91-100ქულა;

ა.ბ) (B) ძალიან კარგი-მაქსიმალური შეფასების 81-90ქულა;

ა.გ) (C) კარგი - მაქსიმალური შეფასების 71-80 ქულა;

ა.დ) (D) დამაკმაყოფილებელი-მაქსიმალური შეფასების 61-70ქულა;

ა.ე) (E)საკმარისი-მაქსიმალური შეფასების 51-60ქულა.

ბ) ორი სახის უარყოფით შეფასებას:

ბ.ა) (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

ბ.ბ) (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას კურსი/საგანი ახლიდან აქვს შესასწავლი.

9. (FX) ვერ ჩააბარა შეფასების მიღების შემთხვევაში ინიშნება დამატებით გამოცდა დასკვნითი გამოცდის შედეგების გამოცხადებიდან არანაკლებ 5 დღეში და აისახება საგამოცდო ცხრილში; სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა; დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის კომპონენტის საბოლოო შეფასებაში; დამატებით გამოცდაზე მიღებული შეფასების გათვალისწინებით, საგანმანათლებლო კომპონენტის საბოლოო შეფასებაში 0-50 ქულის მიღების შემთხვევაში, ასევე დამატებით გამოცდაზე დასკვნითი შეფასების მინიმალური კომპეტენციის ზღვარის ვერ გადალახვის შემთხვევაში, მიუხედავად ქულათა ჯამისა, სტუდენტს უფორმდება შეფასება F (ჩაიჭრა)- 0 ქულა; აღნიშნული წესი არ ვრცელდება სამაგისტრო პროექტის/ნაშრომის მიმართ;

10. სამაგისტრო პროექტის/ნაშრომის შეფასებისას, (FX) - ვერ ჩააბარა შეფასების მიღების შემთხვევაში მაგისტრანტს უფლება ეძლევა გადამუშავებული სამაგისტრო პროექტი/ნაშრომი წარადგინოს მომდევნო სემესტრის განმავლობაში, ხოლო (F) - ჩაიჭრა შეფასების მიღების შემთხვევაში - მაგისტრანტი კარგავს იგივე სამაგისტრო პროექტის/ნაშრომის წარდგენის უფლებას;

11. აკადემიური ხარისხის მისანიჭებლად წარდგენილი სამაგისტრო პროექტი/ნაშრომი, დისერტაცია ან შემოქმედებითი/საშემსრულებლო ნამუშევარი, ან სხვა სამეცნიერო პროექტის/ნაშრომი უნდა შეფასდეს მთლიანობაში, ერთიანად - დასკვნითი შეფასებით, რომელიც მოიცავს უმაღლესი საგანმანათლებლო დაწესებულების მიერ განსაზღვრული პირების შეფასებებსა და დაცვაზე მიღებულ შეფასებას.

12. სტუდენტის სწავლის შედეგების მიღწევის შეფასების წესის დაცვაზე ზედამხედველობა და კონტროლი ევალება თჰუ ხარისხის უზრუნველყოფის სამსახურს.

მუხლი 3. შეფასების კომპონენტები, მეთოდები, კრიტერიუმები

1. შეფასების კომპონენტი განსაზღვრავს სტუდენტის ცოდნის ან/და უნარის ან/და კომპეტენციების შეფასების ხერხს/ხერხებს, რომელიც შეიძლება აერთიანებდეს შეფასების ერთგვაროვან მეთოდებს (ზეპირი/წერითი გამოცდა, ზეპირი/წერითი გამოკითხვა, პრაქტიკული/თეორიული სამუშაო და სხვ.);

2. შეფასების მეთოდი საგანმანათლებლო პროგრამის კომპონენტში განსაზღვრული სწავლის შედეგების მიღწევის შესაფასებლად გამოსაყენებელი საშუალებაა/ებია (ზეპირი/წერითი გამოცდა/გამოკითხვა, პროექტი, პორტფოლიო, ტესტი, ესე, დემონსტრირება, პრეზენტაცია, დისკუსია, აუდიოვიზუალური ნაწარმოების წარმოდგენა, გამოფენა, სპექტაკლში მონაწილეობა/დადგმა, საკონცერტო შესრულება, პრაქტიკული/თეორიული დავალების შესრულება, სამუშაო ჯგუფში მუშაობა, დისკუსიაში მონაწილეობა, კაზუსის ამოხსნა, იმიტირებულ პროცესში მონაწილეობა, ობიექტურად სტრუქტურირებული კლინიკური გამოცდა (OSCE), ობიექტურად სტრუქტურირებული პრაქტიკული გამოცდა (OSPE) და სხვ.);

3. შეფასების კრიტერიუმი შეფასების მეთოდის საზომი ერთეულია, რითაც დგინდება სწავლის შედეგების მიღწევის დონე. შეფასების კრიტერიუმი შეფასების ცალკეული მეთოდისთვის მინიჭებული მაქსიმალური და მინიმალური, დადებითი და უარყოფითი შეფასების ქულობრივ მაჩვენებლებს წარმოადგენს;

4. შუალედური შეფასების ფორმისთვის განსაზღვრული ხვედრითი წილის (60/70%) ფარგლებში გათვალისწინებულია შემდეგი შუალედური შეფასებები და მათი მინიმალური კომპეტენციის ზღვრები:

4.1. სასწავლო აქტივობები (სამუშაო ჯგუფში მუშაობა, პრეზენტაცია, დებატებში, დისკუსიაში მონაწილეობა, წერითი და ზეპირი დავალებების შესრულება და სხვ.);

ა) სამართლის საბაკალავრო, ფსიქოლოგიის საბაკალავრო და ქართულ ენაში მომზადების საგანმანათლებლო პროგრამებზე - მინიმუმ 24 ქულა;

ბ) ბიზნესის ადმინისტრირების საბაკალავრო პროგრამაზე - მინიმუმ 20 ქულა;

გ) სტომატოლოგიის პროგრამებზე - მინიმუმ 20 ქულა;

4.2. შუალედური გამოცდა:

ა) სამართლის საბაკალავრო, ფსიქოლოგიის საბაკალავრო და ქართულ ენაში მომზადების საგანმანათლებლო პროგრამებზე - მინიმუმ 11 ქულა;

ბ) ბიზნესის ადმინისტრირების საბაკალავრო პროგრამაზე - მინიმუმ 10 ქულა;

გ) სტომატოლოგიის პროგრამებზე - მინიმუმ 11 ქულა;

5. შუალედური გამოცდა ტარდება წერითი ფორმით, ხოლო შერჩეული შეფასების კომპონენტი, მეთოდი და კრიტერიუმი ასახულია საგანმანათლებლო პროგრამის კომპონენტების შესაბამისი ნაწილებისათვის შესრულებულ სილაბუსებში და ადეკვატურია ამავე სილაბუსში განსაზღვრული და მისაღწევი სწავლის შედეგების შეფასებისთვის;

6. შუალედური გამოცდის ჩატარების ვადები განისაზღვრება ფაკულტეტის მიერ და არ ემთხვევა სალექციო/სააუდიტორიო კვირას;
7. დასკვნითი გამოცდები ტარდება უნივერსიტეტის მიერ განსაზღვრულ ზამთრის და ზაფხულის საგამოცდო სესიების პერიოდში, კომბინირებული (წერითი/ზეპირი) ან/და წერითი ფორმით; შერჩეული შეფასების კომპონენტი, მეთოდი და კრიტერიუმი ასახულია საგანმანათლებლო პროგრამის შესაბამისი კომპონენტის შესაბამისი ნაწილისათვის შესრულებულ სილაბუსში და ადეკვატურია ამავე სილაბუსით განსაზღვრული და მისაღწევი სწავლის შედეგების შეფასებისთვის;
8. შეფასების კომპონენტი, მეთოდი და კრიტერიუმი და მათი ხვედრითი წილი აკადემიური თავისუფლების ფარგლებში განისაზღვრება აკადემიური ან მოწვეული პერსონალის მიერ სასწავლო ან სამეცნიერო-კვლევითი კომპონენტის შესაბამისი ნაწილისათვის წარმოდგენილი სილაბუსით.
9. ჯანდაცვის ფაკულტეტის მიერ რეალიზებული ერთსაფეხურიან საგანმანათლებლო პროგრამის ან/და ამ პროგრამით გათვალისწინებული სასწავლო დისციპლინების სპეციფიკა, შეიძლება საჭიროებდეს ამ მუხლით სტანდარტულად განსაზღვრულისაგან განსხვავებულ შეფასების ფორმას (წერითი/ზეპირი), ქულათა ხვედრით წილებს (30%+30%+40%), ვადებს/პერიოდებს (მაგალითად, საკურაციო სწავლებისას).

მუხლი 4. დასკვნითი დებულებები

1. ამ წესების მე-2 მუხლით განსაზღვრული სტუდენტის სწავლის შედეგების მიღწევის შეფასების დოკუმენტური გაფორმებისათვის რექტორის ბრძანებით მტკიცდება ნაბეჭდი სახის საგამოცდო უწყისების ფორმები; შესაძლებელია ელექტრონული საგამოცდო უწყისების წარმოებაც;
2. საბაკალავრო კვლევითი პროექტის/ნაშრომის შუალედური და დასკვნითი შეფასებების უწყისების ფორმები თან ერთვის საბაკალავრო კვლევითი პროექტის/ნაშრომის შესრულების ინსტრუქციას;
3. სამაგისტრო პროექტის/ნაშრომის შეფასების უწყისის ფორმა თან ერთვის სამაგისტრო პროექტის/ნაშრომის შესრულების ინსტრუქციას;
4. პროფესიული (სასწავლო/საწარმოო) პრაქტიკის შეფასების უწყისების ფორმები და პროფესიული (სასწავლო/საწარმოო) პრაქტიკის დღიურის ფორმა თან ერთვის პროფესიული (სასწავლო/საწარმოო) პრაქტიკის შესრულების ინსტრუქციას;